

S. II.

Objectionum Solutio.

multo magis Baptismus sanguinis. Hoc idem docet in 4. dist. 4. q. 3. art. 3. q. 3.

III. Dico secundo. Martyrium confert gratiam, ex opere operato etiam adultis. Hoc docet S. Thom. in 4. loco citato, ad 1. his verbis: Baptismus sanguinis non habet hic tantum ex opere, neque quatenus ad poenam, qua aliquis martyrium ex merito, neque contingit non esse sufficientem ad satisfaciendum pro peccato; neque quatenus ad devotionem iusta voluntatis; quia contingit, quod voluntate majori obavitur fornicata aliquis sine martyrio non possit ab omni poena liberari; sed hoc habet ex imitatione Passionis Christi. Unde de martyribus dicitur, Apoc. 7. Laverunt stolae suas in sanguine Agni. Et in 4. ad Anibal. dist. 4. q. unic. art. 4. ad 3. Baptismus sanguinis (inquit) non habet suppletur effectum Baptismi fluminis ex opere operato, sed ex imitatione Passionis Christi.

IV. Ex his probatur primo. Producere gratiam ex opere operato, est vi sibi intrinseca illam producere; hac enim ratione Baptismus aquae operato operato producit gratiam, & remissionem peccatorum ex opere operato; quia eam operatur per quandam figuralem representationem Passionis Christi, quae in aquam Baptismi agit, eam sibi conjungit, & ei communicat virtutem ad abluendum animam ab omni forde culpae, & reatu peccati: sed Baptismus sanguinis etiam in adultis operatur. Sed per realem imitationem Passionis Christi, quae martyri Christi patienti conjungitur, & poena martyris a Passione Christi virtutem accipit, & roboratur; ergo poena illa causat in martyre remissionem omnis culpae, & poenae; vi Passionis Christi in eam operantis, & consequenter ex opere operato. Si enim hoc habet aqua, quae est Passio Christi tantum figuralem representationem; ergo a fortiori non habebit poenam, & poenam martyris, quae ad Passionem Christi realem imitatur.

V. Confirmatur ex doctrina S. Th. 2. 2. q. 68. art. 12. Virtus Passionis Christi, & motus Spiritus Sancti a qua Baptismus efficitur, eadem habet, excellentissime operatur in Baptismo sanguinis; nam ubi in Baptismo aquae operatur per figuralem representationem, & per virtutem latentem; & in Baptismo fluminis operatur per potentissimum dilectionis, & affectionis fervorem, quo realiter, & cum effectu, Spiritus Sanctus movente imitatur Passionem Christi; ergo Baptismus sanguinis non ex vi contritionis, & affectionis tantum, ut Baptismus fluminis, sed vi operis, & realem imitationem Passionis Christi gratiam producit.

VI. Probatur secundo, & urgentur dicta. Martyrium remittit parvulis peccatum originale ex opere operato, ut supra diximus cum Sancto Thoma; ergo hoc etiam facit in adultis. Conf. prob. Promissio de danda gratia, & gloria his, qui pro illo moriuntur, ut Matth. 10. v. 34. Omnis, qui constituit me coram hominibus, constituetur ego coram Patre meo, qui in Caelis est. Et v. 39. Qui perdidit animam suam propter me, inveniet eam: non solum parvulos, sed omnes pro Christo morientes complectitur. Tum etiam quia: non minus adulti, quam parvuli moriendo pro Christo, conformantur Passionis aquae per realem imitationem. Tum etiam quia: si Baptismus aquae, qui est solum figuralem representationem Passionis Christi, ex opere operato gratiam confert, & parvulis, & adultis; multo magis hoc faciet Baptismus sanguinis, qui ejusdem Passionis est realis imitatio.

VII. Probatur tertio. Quod solum ex opere operantis gratiam confert, non potest eam conferre supra meritum operantis: sed martyrium sepe confert gratiam supra meritum operantis: ut cum aliquis, gravium criminum reus, in celum fidei ex improposito occiditur: tunc enim poena, quam sustinet, non est sufficiens ad satisfaciendum pro reatu culpae, & poenae; & vi potest in illis circumstantiis actum elidere, cui tanta gratia debetur; ergo &c.

VIII. Probatur quarto. Ex vi martyrii remittitur infallibiliter tota poena, etiam temporalis; ita ut martyr adultus a cruciatibus recta ad Caelum advolet, ut supra vidimus: quare injuria fit pro martyre orare; ergo etiam ex vi martyrii remittitur ei omnis culpa. Conseq. evidens est. Non enim est assignabilis ratio, cur primum, & non secundum. Ant. vero prob. Poena non potest infallibiliter martyri remitti ex vi contritionis, & dilectionis Dei: nam parvulis remittitur, in quibus nec contritio, nec dilectio Dei esse potest. Dato etiam, in quocumque adulto, dum subit martyrium, adesse contritionem, & dilectionem expressam; non est infallibile, actus illos esse in tanta intentione, & fervore, ut sufficiant ad totius poenae remissionem: immo contingit saepe in aliis viris justis inenitorem, & ferventem charitatem, & contritionem adesse, quam in martyribus; quae tamen non sit sufficiens ad tollendam omnem poenam. Neque etiam potest omnis poena infallibiliter dimitti per passionem, & cruciatum, quos patitur martyr. Contingere enim potest, ut peccata sint gravissima in malitia, & numero plura; dolores vero martyrii valde breves, & voluntas patientis adeo remissa, ut ex se non sufficiant, ad condignam satisfactionem pro tota poena peccati debita. Dimissio ergo totius poenae tribuenda est operi, nempe martyrio, quatenus est realis imitatio Passionis Christi, ut in eo operatur, & consequenter ex opere operato, nona operantis. Hinc Tertullianus in Apolog. adversus Gentes, sub finem: Quae (inquit) non ubi requisitis, accedit: Ubi necesse, pari excepta: Ubi totam Dei gratiam redimat, ut omnem veniam computatione sanguinis sui expellat: omnia enim huic operi delicta donantur.

IX. Obijciunt primo contra primum Assertum: Est generalis regula; Jo. 3. quod Nisi quis renatus fuerit ex aqua, & Spiritu Sancto, non potest introire in Regnum Dei; ergo sine fundamento assertum, parvulus sine Baptismo aquae mortuus, morte pro Christo tolerata, salvari.

Respondeo, neg. conf. Ab hac enim regula excipi infantes pro Christo occisos, docet S. Aug. 1. 13. de Civ. Dei, c. 7. Qui enim dicit: Si quis non renatus fuerit ex aqua, & Spiritu Sancto, non intrabit in regnum Caelorum; alia sententia istos (martyres) scire exceptos, ubi non minus generaliter dicitur: Qui me confessus fuerit coram hominibus, constitutor & ego eum coram Patre meo, qui in Caelis est. Et alio loco: Qui perdidit animam suam propter me, inveniet eam. Quae confessio esto ab infantibus non fit verbo, fit tamen opere, & facto; de Innocentibus canente Ecclesia: Deus, tuus precium tenentes martyres non loquendo, sed moriendo confessi sunt. Et Tum etiam quia: ex superius dictis efficaciter operatur Passio Christi imitata per martyrium, quam representata per Baptismus. Uno verbo: sicut in Baptismo aquae, sic in Baptismo sanguinis infantium cor opere, & facto in Christum credit, dum pro ipso patitur: unde eum non habeant fidem, & amoris active, habent tamen passive, & executive.

X. Dicit. Elio martyrio annexum fit privilegium justificandi; hujus tamen sunt incapaces parvuli, cum sint incapaces martyrii: martyrium enim est actus virtutis fortitudinis: parvuli autem, utpote carentes usu rationis, actus virtutis incapaces sunt.

Respondeo tamen, martyrium posse considerari, & quatenus actus virtutis est; & quatenus est realis imitatio passionis Christi, & non solum representativa, sicut est Baptismus. Primo modo justificat solum ex opere operantis, & non habet locum in infantibus, qui actus virtutis incapaces sunt. Secundo modo, quatenus est actualis imitatio pro Christo tolerata, & realis imitatio Passionis ejus, justificat ex opere operato non minus, immo magis, quam Baptismus aquae, etiam infantes. Ita S. Thom. 2. 2. q. 124. art. 1. ad 1. Ubi de Innocentibus martyribus loquitur, Martyres (inquit) gloriam, quam in aliis propria voluntas meretur, illi parvuli accipi per Dei gratiam sunt affecturi. Nam effusio sanguinis propter Christum virtutem gerit Baptismus. Unde sicut in parvis baptizatis per gratiam baptismalem, veritatem Christi operatur ad gloriam obtinendam: ita et in occisis propter Christum, meritum martyrii Christi operatur ad palmam martyrii consequendam. Unde S. August. Serm. 66. de Diversis (modo Serm. 372, cap. relatus a S. Thom. ibi Innocentes loquitur. Non habebitis carnem, & qui in passuram Christi tradidit: sed habebitis caelum, in qua pro Christo passuro passionem sustineretis.

XI. Obijciunt secundo contra idem. Si martyrium justificaret, parvulos ex opere operato, esset sacramentum novae Legis: esset enim signum sensibile praetium gratiae in usu illius conferendae; sed hoc est falsum, ut docet S. Th. 3. p. q. 66. art. 11. ad 2. alias essent plus, quam septem sacramenta, quod est contra Trident. sess. 7. Can. 1. de Sacram. in gen. ergo &c.

Respondeo, neg. maj. Primo. Quia martyrium non est signum sacramentum, sed causa gratiae, & forma. Secundo. Quia sacramenta sunt causa gratiae, & sunt adiones Dei per suos Ministrum: at martyrium ex parte inferentis est actio Diaboli, per suam sceleratam mortem Confessoribus Christi inferentis. Unde S. Thom. ab Arguente citatus, sacramentum (inquit) habet rationem signi: alia vero duo (nempe Baptismus fluminis, & sanguinis) conveniunt cum Baptismo aquae, non quidem quantum ad rationem signi, sed quantum ad effectum Baptizantis: Et ita non sunt sacramenta: quod etiam dicit in 4. dist. 4. q. 3. q. 1. ad 3. Unde martyrium convenit cum sacramento, quantum ad rem, & effectum sacramenti: non vero quantum ad rationem signi a Deo instituti ad homines (maxime via ordinaria) justificandos.

XII. Obijciunt tertio contra secundum Assertum. Martyrium nil proflus valet sine charitate, ut ait S. Th. tum hoc 3. part. quest. 66. art. 12. ad 2. tum 2. 2. q. 124. art. 2. ad illa verba 1. Cor. 13. Si tradidero corpus meum, ita ut ardeam, charitatem autem non habueris, nihil mihi prodest; Ubi dicit, quod martyrium est a charitate, ut imperante, & a fortitudine, ut efficiente: Quod autem sit meritorium, hoc habet ex charitate, sicut & quilibet virtutis actus. At si martyrium justificet ex opere operato, valetet sine charitate; sicut sine charitate valet Baptismus in eo, qui solum attritus accendens ad Baptismus, per Baptismus justificatur; ergo &c.

XIII. Propter hoc non desunt, qui judicant, S. Thom. esse in sententia, martyrium adultis gratiam conferre solum ex opere operantis, & quamvis aliter docuerit, scribens super sententias probaverat efficaciam martyrii a qua tantum virtus Passionis Christi in eo operatur, per realem sui imitationem: probat etiam in Summa ejusdem efficaciam, & excellentiam super Baptismus fluminis, & fluminis, ut videre est ceteris locis, & maxime 3. p. q. 66. art. 11. & 12.

XIV. Respondeo ergo dist. maj. Sine charitate, vel antecedente, vel concomitante, conc. maj. Sine charitate antecedente, nego maj. Senfus ergo Apostoli, & S. Thomae non est, quod sine charitate antecedente, quae imperat, & sit motivum ad subeundum martyrium, martyrium nihil proflit: sed solum, quod

quod sine charitate, neque antecedente, neque concomitante nihil proflit martyrium. Si ergo quod mortem pro Christo patitur, esto non moveatur ex charitate antecedente ad illum subeundam, quia non fit perfecte contritus, attramen supernaturaliter attritus. Dumque iustitia fontem dilectionis incipiens, mortem pro Christo accipit: in actu martyrii illi infunditur gratia, & cum gratia charitas, & proinde non patitur sine charitate. Unde Apostolus non ait: Si tradidero corpus meum, &c. ex charitate autem non tradidero; sed charitatem autem non habuero. Charitatem autem habet, qui eam habet, sive antecedente, sive concomitante. Quare sicut qui accedit ad Baptismus solum attritus, per Baptismus ex attrito fit contritus; idem, ex attrito actus, fit contritus habitus, quia infunduntur illi habitus penitentiae, & charitatis: ita qui solum attritus (supernaturaliter tamen) accedit ad martyrium; per martyrium ex attrito adu fit contritus habitus. Et hoc est, quod intendit S. Th. 3. p. q. 66. art. 12. ad 2. dum ait, quod Baptismus sanguinis includit Baptismus fluminis.

Dum vero S. Thomas dicit, martyrium esse imperatum a charitate, expresse loquitur de martyrio, ut est actus fortitudinis, sic enim meritorius esse non potest, nisi ut imperatus a charitate: non vero de martyrio, ut est realis imitatio Passionis Christi: quo pacto sicut sine imperio charitatis justificat parvulos, sic etiam justificat postea adultos.

XV. Sed inflabit. Praeceptum charitatis obligat sub mortali in articulo mortis; ergo si quis rapitur ad martyrium, & actum charitatis omittat, peccabit mortaliter, nec martyrium illi proderit.

Respondeo, dist. ant. Obligat ad actum, vel ad opus charitatis, conc. ant. Ad actum expressum semper, nego ant. Esto autem qui rapitur ad martyrium solum attritus, actum charitatis expresse non eliceret; moriendo tamen pro Christo opus facit intensissimae charitatis: Majorem enim charitatem nemo habet, ut animam suam ponat quis pro amico suo: sique tali opere implet praecipuum dilectionis. Sicut enim martyrium supplet defectum Baptismi aquae: ita supplet defectum actus dilectionis Dei super omnia, cum illum includat.

XVI. Haec dixi, quasi speculative loquendo, & quantum est ex natura martyrii. Ceterum in praxi vix possibile iudico, aliquem acceptare mortem pro Christo, & ex ejus amore non moveri ac Spiritum, sine cuius motione mortem pro Christo acceptare non potest, cum movere ad desiderium gloriae caelestis, & non movere ad actum dilectionis Dei, & Christi: cum enim mavere ad actum dilectionis Dei, plus diligit Christum, quam se ipsum, & cetera omnia.

XVII. Obijciunt quarto S. Cyprianus ad Cornelium Papam scribens athenis: lapsos reconciliatione debere donari, antequam qui martyrium prodeant: Nec quisquam (ait Epist. 74.) dicat, qui martyrium tollit, sanguine suo baptizatur: nec pax illi ab Episcopo necessaria ad habitum gloriae suae pacem, & acceptum majorem de Domini dispensatione mercedem. At frustra lapsi martyrium adiutus reconciliatione conferretur, si martyrio ex opere operato dederentur; ergo &c. Respondeo, dist. min. Tamquam necessaria, conc. min. Tamquam expediens, & utilis, neg. min. Judicabat ergo Cyprianus non necessarium, sed tamquam expediens, eos, quibus martyrium imminet, si non baptizatos, baptizari prius, si lapsos reconciliari; ut munus sacramentis feculis pugnaret. Et hoc aperte apparet; quia Cyprianus ibi volebat etiam, eos, qui martyrio exponebantur, prius Eucharistia muniri: nemo tamen hinc colligit, Baptismo vim non inesse, nisi dependente ab Eucharistiae sumptione. Docere ergo voluit Cyprianus, Baptismus, absolutionem sacramentalem, & Eucharistiam, utpote iure divino praecipua praemittenda esse a Catechumenis, ac poenitentibus (si fieri possit) antequam ad fidem coram tyranno confitendam se filiant, ut dicemus.

S. III.

Aliqua pro intelligentia Distorum.

XVIII. Quaerit primo: Quandonam martyrium causet gratiam, & remissionem peccatorum?

Respondeo, martyrium gratiam martyri conferre in eo instanti, seu momento, post quod est immediate mortuus, seu non potest naturaliter amplius vivere: eo enim momento martyrium consummatur, confertur, & martyrem perseverasse usque in finem, & accepturum coronam gloriae statim, ad anima ejus fuerit separata a corpore.

XIX. Sed dices primo. In illo momento ante mortem, martyr habet adhuc libertatem, & potest peccare etiam in sensu composito; ergo nondum est consummate martyr; alias martyr posset damnari.

Secundo. Potest Deus post illud instanti momento impedire, & martyri miraculose vitam conservare; ergo gratiam martyri non accipit: alias post gratiam martyri acceptam, fit superflus effectus, peccare possit, & damnari.

XX. Respondeo, quod martyr in instanti immediato ante mortem non retinet amplius libertatem: vel si eam habet, Deus speciali privilegio eum sic in gratia firmat; ut eum reddat impotentem ad peccandum in sensu composito. Ad hocendum similiter dico, quod casu, quo martyri in tormentis necessario morituro, miraculose a Deo conservaretur vita, sicut accidit Joanni Evangelista: Deus illum in gratia confirmaret pro reliquo vix tempore usque ad mortem. Ratio est. Quia ille abique novo martyrio esset martyr; ut constat de Joanne Evangelista, quem Ecclesia, ut martyrem comit, licet abique novo martyrio post multos annos in Domi-

no obdormierit, Ideoque debita illi esset perseverantia in gratia, & affectio gloriae, quam meruit per martyrium: alioquin vita illi miraculose conservata cederet in detrimentum, si eum peccato exponeret periculo amittendi coronam gloriae, quam per martyrium adeptus fuerat.

XXI. Quaerit secundo: An martyrium causet gratiam supra meritum patientis?

Respondeo affirmative. Tum quia: illam causet, non ex opere operantis, sed ex opere operato, ut vidimus: ergo si cui gratiam confert abique ullo merito patientis, ut patet in Innocentibus, sic poterit etiam eam causare supra meritum ejusdem. Tum quia: martyrium, ut vidimus, habet virtutem auferendi omnia peccata quoad culpam, & poenam: sed hoc ablatis saepe est supra meritum patientis; ut cum quis, alioquin plurium peccatorum reus, in odium fidei ex improposito occiditur, vel dormiens &c. ergo &c.

XXII. Quaerit tertio: An martyrium causet majorem gratiam, quam Baptismus aquae?

Respondeo affirmative. Et colligo ex S. Thoma, 3. p. q. 66. art. 12. ubi docet, in Baptismo sanguinis efficacius operari, tum Passionem Christi, quae operatur per imitationem operis: tum etiam Spiritum Sanctum, qui in martyrio operatur per potentissimum dilectionis fervorem; cum in Baptismo aquae Passio Christi operetur solum per figuralem representationem, & Spiritus Sanctus solum per virtutem latentem. Hinc merito Ecclesia Innocentibus in odium Christi ab Herode occisibus cultum, quem infantibus baptizatis, & mortuis ante rationis usum non tribuit. Signum ergo est, quod Baptismus aquae non perducit ad tantum gratiae gradum, & gloriae, quantum martyrium. Hinc sequitur etiam, quod adulti in aequali dispositione positi, majorem gratiam recipient per martyrium, quam per Baptismus aquae, & alia sacramenta.

XXIII. Quaerit quarto: An qui in proximo est, ut martyrium subeat, & non est baptizatus, habet tamen opportunitatem, ut baptizetur, debeat ante martyrium baptizari: & si baptizatus fit in peccato mortali, debeat, si commode potest, ante martyrium accedere ad sacramentum poenitentiae?

Respondeo affirmative cum S. Cypriano supra laudato, n. 17. Quia cum martyrium delet omnem culpam, & poenam, non ex institutione sua, sed ex privilegio, & in supplementum Baptismi, & poenitentiae: ideo eam delet, quando via ordinaria per Baptismus, aut poenitentiam deleri non potest. Tum etiam: quia licet martyrium dicto privilegio potius; non liberat tamen ab observantia divinatorum praecceptorum, si haec est possibilis: at impossibile est omnibus praecipuum suscipiendi Baptismus; & illis, qui a Baptismo suscepiendo lapsi sunt in mortale, praecipitur, ut reconcilientur per sacramentum poenitentiae; ergo si datur commodum sumendi alia sacramenta ante martyrium, peccaret, qui ea omittit. Immo notat Soto, lib. 2. de Natura, & gratia, cap. 16. quod si martyr non baptizatus peccaretur ad vitam, deberet Baptismo aquae baptizari.

QUESTIO III.

De Tempore Institutionis, & Obligationis Baptismi.

Revertitur ad Baptismus aquae, qui solus est sacramentum, cujus essentiam, & causas intrinsecas supra examinavimus. Nunc causam ejus extrinsecam, & efficientem investigandam assumimus, nempe, auctorem, qui eum instituit, & ad eum obligavit. Hunc suppono fuisse Christum; quem in Tract. de Sacram. in gen. ostendimus fuisse omnium sacramentorum auctorem. Quare solum de tempore, quo Baptismus instituitur, & quo ad eum homines obligari voluit, hic sermo erit.

D U R I U M I.

Quo Tempore fuerit Institutus Baptismus.

S. I.

Quadam Praemittitur.

CHRISTUM non instituisse Baptismus prius, quam a Joanne ipse baptizaretur, exploratum est. Christus enim non instituit Baptismus, antequam incepisset Evangelium predicare, & novam Legem condere: atqui priusquam a Joanne baptizaretur, nec coepit Evangelium predicare, nec novam Legem condere; ergo &c. difficultas est: an solum post Resurrectionem, quando discipulos ad praedicandum mittens, dixit, Matth. 28. Euntes docete omnes Gentes, baptizantes eae &c. an cum ipse a Joanne baptizatus fuit: an medio aliquo tempore ante Passionem, Baptismus instituitur.

II. Albertus Magnus, Alensis, & alii videntur institutionem Baptismi referre ad illud tempus, quo post Resurrectionem ascensus in Caelum dixit: Docete omnes Gentes, baptizantes eas in nomine Patris &c. Alii ante Passionem institutionem volunt, sed in assignando tempore dissident. Scotus enim vult, institutum fuisse, non cum Christus a Joanne baptizatus fuit, nec cum Nicodemum alloqueretur; sed paulo post initium praedicationis, cum Joann. 3. discipulos misit ad praedicandum, & baptizandum. Verum S. Thom. 3. p. q. 66. art. 2. & in 4. dist. 3. q. 1. art. 5. quem ejus Discipuli, & alii sequuntur, censet, Baptismus fuisse a Christo primo institutum, cum in Jordane ipse baptizatus fuit.







